

Vischnaunca da Mustér

Lescha d'ustria

I. Disposiziuns generalas

- Art. 1 Survigilanza
Art. 2 Execuziun

II. Lubientschas

- Art. 3 Damonda
Art. 4 Lubientscha
Art. 5 Cuoz dalla lubientscha
Art. 6 Pretensiuns
Art. 7 Engrondiments, transferiments, midadas dalla specia da menaschi
Art. 8 Commerci en detagl cun auas barschadas

III. Temps d'avertura

- Art. 9 Temps d'avertura
Art. 10 Fiastas principalas
Art. 11 Arranschaments

IV. Taxas

- Art. 12 Taxas per lubientschas
Art. 13 Taxas specialas

V. Restricziuns

- Art. 14 Restricziuns pertuccont la distribuziun ed igl access per giuvenils
Art. 15 Segirtad publica e ruaus da notg

VI. Disposiziuns penelas, mieds legals

- Art. 16 Disposiziuns penelas
Art. 17 Mieds legals

VII. Disposiziuns finalas

- Art. 18 Disposiziuns executivas
Art. 19 Abrogaziun dil dretg entochen da cheu
Art. 20 Disposiziuns transitorias
Art. 21 Vigur

Sebasond sigl art. 26 dalla lescha d'ustria pil cantun Grischun dils 7 da zercladur 1998 (LU) relai la vischnaunca da Mustér la suandonta lescha d'ustria per la vischnaunca da Mustér.

I. Disposiziuns generalas

Art. 1

Survigilonza

La suprastonza communal survigilescha las activitads da restauraziun e dil commerci en detagl cun auas barschadas.

Pertuccont il loschament da hosps valan las leschas surordinadas. Las taxas da cura e las contribuziuns ein fixadas ella lescha davart la taxa da cura e la promoziun dil turissem.

Art. 2

Execuziun

La suprastonza communal ei l'istanza cumpetenta arisguard conceder, prolungir, midar ni retrer lubientschas da menar in'ustria sco era lubientschas per il commerci en detagl cun auas barschadas.

II. Lubientschas

Art. 3

Damonda

Tgi che vul arver ni surprender in menaschi el senn d'artechel 3 dalla lescha d'ustria cantunala ha d'inoltrar alla suprastonza communal ina damonda corrispudenta silmeins 30 dis avon ch'el arvi ni surprandi in menaschi ni avon ch'organisar in arranschament. En cass specials sa la suprastonza communal reducir il temps d'annunzia.

La damonda ha da cuntener las suandontas indicaziuns:

- a) las persunalias e l'adresa dalla persuna per la quala la lubientscha duei vegnir concedida;
- b) l'indicaziun exacta dil menaschi ni digl arranschament;
- c) l'indicaziun exacta d'eventuals menaschis secundars;
- d) il cuoz giavischau dalla lubientscha.

Alla damonda ein d'aschuntar:

- a) in extract dil register penal;
- b) la confirmaziun suttascretta tenor igl artechel 5 alinea 3 dalla lescha d'ustria cantunala.

Art. 4

Aschilunsch che las premissas legalas ein ademplidas vegn la lubientscha concedida a scret alla persuna autorisada e quei avon ch'arver ni surdar il menaschi ni avon ch'organisar igl arranschament.

Lubientscha

Lubientschas vegnan concedidas mo per locals ni menaschis ch'ein adattai e che caschunan buca disturbis ni immissiuns nunacceptablas per ils vischins.

Adattai ein per regla menaschis che disponan dils indrezs, apparats sco era tualettas conform allas pretensiuns dalla higiena e dalla polizia da victualias.

Art. 5

La lubientscha dada a menaschis d'ustria ei illimitada. Per arranschaments sco era per menaschis specials sco per ex. bars da neiv, tegias etc. vala la lubientscha per il temps indicaus ella lubientscha concedida.

Cuoz dalla
lubientscha

La lubientscha concedida croda:

- a) cun la mort ni la renunzia dalla persuna che ha obteniu la lubientscha;
- b) cun la liquidaziun dil menaschi;
- c) cun la scadenza ni retratga dalla lubientscha.

Art. 6

La lubientscha sa vegnir colligiada cun pretensiuns, specialmein davart il dretg d'access ed il cuoz da dimora da giuvenils sco era davart las uras d'avertura e la protecziun encunter canera.

Pretensiuns

Art. 7

Engrondiments,
transferiments,
midadas dalla specia
da menaschi

Engrondiments ed il transferiment da menaschis sco era midadas dalla specia da menaschi basegnan ina lubientscha speciala.

Per la damonda vala igl artechel 3 alineas 1 e 2 conform al senn.

Art. 8

Commerci en
detagl cun auas
barschadas

Damondas per conceder ina lubientscha pil commerci en detagl cun auas barschadas ein d'inoltrar ad uras cun il formular ufficial agl uffeci cantunal per economia e turissem e quei avon ch'arver ni surpender in menaschi ni avon ch'organisar in arranschament.

Il formular sa vegnir retratgs tier l'administraziun communal.

III. Temps d'avertura**Art. 9**

Temps d'avertura

Ils menaschis d'ustria san fixar il temps d'avertura tenor agen beinappreziar.

Art. 10

Fiastas principalas

Da Nadal, Venderdis sogn, Pastgas, Tschuncheismas e Rogaziun federala ein tuts arranschaments da sault e recreaziun scumandai. Plinavon vegn l'ura da polizia fixada per la vigelgia da quellas fiastas e las fiastas sezzas en tuttas localitads sin las 24.00 uras. Ultra da quei eis ei la vigelgia da Nadal scumandau da saltar naven dallas 20.00 uras.

Art. 11

Arranschaments

Per arranschaments vegn fixau il cuoz dalla lubientscha pil singul cass.

IV. Taxas

Art. 12

Per ina lubientscha vegn incassau las suandontas taxas:

- a) per menaschis frs. 100.-- entochen frs. 500.--;
- b) per menaschis cun in temps d'avertura parzial frs. 100.-- entochen frs. 300.--;
- c) per arranschaments frs. 50.-- entochen 300.--;
- d) per engrondiments, transferiments, midadas dalla specia da menaschi frs. 50.-- entochen frs. 300.--;
- e) per il commerci en detagl cun auas barschadas tenor la lescha cantunala e las disposiziuns executorias leutier.

Taxas per
lubientschas

Per fixar las taxas el singul cass eis ei da risguardar adequatamein ils cuosts administrativs sco era igl interess e la productivitat economica dalla persuna ch'ei obligada da pagar la taxa.

Art. 13

Per ulteriuras funcziuns officialas, sco controllas extraordinarias da singuls menaschis ni arranschaments, vegn ei incassau ina taxa da frs. 100.-- entochen frs. 500.--.

Taxas specialas

V. Restricziuns

Art. 14

Las restricziuns ein regladas egl artechel 2 dalla lescha cantunala. Scumandau ei en special la distribuziun:

- a) da bubrondas alcoholicas a giuvenils sut 16 onns ed a persunas eivras;
- b) d'auas barschadas ni bubrondas mischedadas sin basa d'auas barschadas a giuvenils sut 18 onns;
- c) da bubrondas alcoholicas entras automats publics.

Restricziuns pertuccont
la distribuziun ed igl
access per giuvenils

Giuvenils sut 18 onns astgan buca frequentar dancings, varietés ni nighthclubs. Per discos vala la vegliadetgna minimala da 16 onns.

Art. 15

Segirtad publica e ruaus da notg Suentar las 22.00 uras ei da desister da tutta canera che savess disturbar il ruaus da notg. Quei vala en special per la canera cun sbatter portas d'autos, discussiuns, cant e musica sin via e.a.v.

VI. Disposiziuns penalas, mieds legals**Art. 16**

Disposiziuns penalas Cuntravenziuns encunter questa lescha ed encunter las disposiziuns executorias sco era encunter la lescha cantunala d'ustria e las disposiziuns executorias da quella vegnan punidas dalla suprastanza communal el rom digl artechel 22 dalla lescha d'ustria dil cantun Grischun.

Art. 17

Mieds legals Encunter disposiziuns dalla suprastanza communal sin fundament dalla lescha cantunala ni da questa lescha, sa vegnir recurriu a scret alla dertgira administrativa dil cantun enteifer 20 dis dapi la comunicaziun.

VII. Disposiziuns finalas**Art. 18**

Disposiziuns executorias La suprastanza communal sa relaschar disposiziuns executorias.

Art. 19

Abrogaziun dil dretg entochen dacheu Cun l'entrada en vigur da questa lescha vegnan la lescha d'ustria dils 27 da settember 1992 sco era tuttas disposiziuns che stattan en cuntradicziun cun la nova lescha abrogadas.

Art. 20

Lubientschas ch'ei vegnidas dadas temporarmein a menaschis avon l'entrada en vigur da questa lescha ein nunlimitadamein valeivlas, aschilunsch che la persuna autorisada meina vinavon il menaschi el medem rom.

Disposiziuns
transitorias

Proceduras pendentas il mument dall'entrada en vigur da questa lescha ein da tractar tenor il niev dretg, aschilunsch ch'il vegl dretg ei buca pli favoreivels.

Art. 21

Questa lescha va en vigur cun igl empren da schaner 2000.

Vigur

Approbau dil pievel ella votaziun all'urna dils 28 da november 1999.

Il president communal:
Aldo Tuor

Il canzlist communal:
Andri Hendry